



Broj: 05-16-4-1290-6/18  
Sarajevo, 27.03.2018.godine

Na temelju članka 69. stavak (1) tačka a), članka 70. i članka 89. Zakona o javnim nabavama Bosne i Hercegovine („Službeni list Bosne i Hercegovine“ broj: 39/14), ministar pravde Bosne i Hercegovine, d o n o s i

**O D L U K U**  
o dodjeli ugovora u postupku javne nabave

**I**

Dodjeljuje se ugovor ponuđaču **GUMA M d.o.o., Bišće Polje bb, 88000 Mostar** u postupku javne nabave auto guma.

**II**

Ponuđač iz tačke I ove odluke dostavio je ponudu s najnižom cijenom u skladu sa člankom 64. stavak (1) tačka b) Zakona o javnim nabavama Bosne i Hercegovine.

**Obrazloženje**

Ministarstvo pravde Bosne i Hercegovine je 07.02.2018.godine pokrenulo konkurentski postupak nabave auto guma, izvršilo objavu 14.02.2018.godine na portalu javnih nabava Agencije za javne nabave Bosne i Hercegovine ([www.ejn.gov.ba](http://www.ejn.gov.ba)) i uputilo pozive ponuđačima na tri različite adrese za učešće u predmetnoj nabavi.

U ostavljenom krajnjem roku za dostavljanje ponuda pristigle su ponude od sljedećih ponuđača:

1. GUMA M d.o.o., Bišće Polje bb, 88000 Mostar,
2. M.R.M. d.o.o., Put za Medugorje bb, 88320 Ljubuški,
3. EURO DAM-JAS d.o.o., Lukavičkih brigada bb, 75300 Lukavac i
4. RPM GLOB TRADE d.o.o., Tina Ujevića broj 21, 88320 Ljubuški.

Povjerenstvo za javne nabave Ministarstva pravde Bosne i Hercegovine (u daljem tekstu: Povjerenstvo) je izvršilo analizu i procjenu dokumentacije uz pristigle ponude i utvrdilo da dostavljene ponude ponuđača **GUMA M d.o.o.** i **M.R.M. d.o.o.** u potpunosti zadovoljavaju uvjete utvrđene u tenderskoj dokumentaciji, a da ponude ponuđača **EURO DAM-JAS d.o.o.** i **RPM GLOB TRADE d.o.o.** ne zadovoljavaju uvjete utvrđene tenderskom dokumentacijom, te se kao takve smatraju neprihvatljivim.

Povjerenstvo je u skladu sa člankom 18. stavak (1) tačka m) Naputka za pripremu modela tenderske dokumentacije i ponuda („Službeni glasnik BiH“ broj: 90/14), konstatiralo da je uočilo ispravke u ponudi ponuđača **M.R.M. d.o.o.**, točnije u Obrascu za cijenu ponude (Aneks 2), te shodno navedenoj odredbi konstatira da su iste urađene pravilno.

U slučaju ponude ponuđača **EURO DAM-JAS d.o.o.** Povjerenstvo je konstatiralo da ista ne sadrži potpis direktora, nego osobe koja je za potpisivanje ovlaštena temeljem akta direktora, a ne temeljem pravovaljane punomoći. Naime, tačkom 8.c) tenderske dokumentacije propisano je da ponuda mora da sadrži potpis podnosioca ponude ili ovlaštene osobe na temelju pravovaljane punomoći (pravovaljana punomoć je punomoć ovjerena kod

mjerodavnog tijela), koja mora biti priložena uz ponudu u originalu ili ovjerenj kopiji. Ponudu ponuđača **EURO DAM-JAS d.o.o.**, odnosno dokumentaciju priloženu uz istu, potpisala je Nina Osmanović. U ponudi se nalazi akt koji nosi naziv „Punomoć“ od 22.02.2018.godine, a kojim direktor EURO DAM-JAS d.o.o., Damir Mujkić, ovlašćuje uposlenicu Ninu Osmanović kao osobu koja će zastupati spomenutu firmu u postupku javne nabave „Nabava auto guma“ – postupak za dostavu ponuda po objavljenom obavještenju o nabavi broj: 686-7-1-21-3-14/18 i svim ostalim radnjama vezanim za postupak. Navedeni akt dostavljen je u originalu. Međutim, Povjerenstvo je konstatiralo da predmetni akt ne sadrži potvrdu (ovjeru) mjerodavnog tijela da je pred istim potpisnik punomoći priznao potpis kao svoj, pri čemu mjerodavno tijelo ne odgovara za sadržaj punomoći, niti je dužan utvrđivati da li su učesnici ovlašteni za dotični posao. Navedeno znači da se dostavljeni akt (Punomoć) ne može smatrati pravovaljanom punomoći, a koju je ponuđač bio obvezan dostaviti u originalu ili ovjerenj kopiji, prema odredbama Zakona o javnim nabavama i tenderskoj dokumentaciji.

Slijedom navedenog, a budući da je člankom 68. stavak (4) tačka i) Zakona o javnim nabavama propisano da je ugovorno tijelo dužno odbaciti ponudu ukoliko ista nije potpuna i ne ispunjava zahtjeve iz tenderske dokumentacije, Povjerenstvo je konstatiralo da se ponuda ponuđača **EURO DAM-JAS d.o.o.** odbacuje.

U pogledu ponuđača **RPM GLOB TRADE d.o.o.** Povjerenstvo je konstatiralo da ponuda ne sadrži traženo tačkom 8. a) i b) tenderske dokumentacije, a što ponuda u skladu sa navedenim tačkama mora da sadrži: a) ime i sjedište ponuđača, a za skupinu ponuđača podatke o svakom članu skupine ponuđača, kao i jasno određenje člana skupine koji je ovlašteni zastupnik skupine ponuđača za sudjelovanje u postupku javne nabave, za komunikaciju i za zaključivanje ugovora i b) datum ponude. Nadalje, Ovlaštenje od 17.02.2018.godine, kojim GOODYEAR DUNLOP Sava Tires d.o.o. ovlašćuje RPM GLOB TRADE d.o.o. Ljubuški da može predati ponudu, a zatim i potpisati ugovor prema tenderskoj dokumentaciji za robu koju proizvode, je dao Jože Stružnik, prodajni direktor za skupinu držav Slo/ExYu, ali isto nije i potpisano od strane imenovanog. Također, Povjerenstvo je utvrdilo da ponuda ponuđača **RPM GLOB TRADE d.o.o.** ne sadrži, u potpunosti, traženo tačkom 3.1.3.1.c) tenderske dokumentacije. Točnije, detaljan opis ponuđenih guma nije potpisan od strane ovlaštene osobe ponuđača, te ne sadrži poziv na službenu web stranicu proizvođača (linkovi).

Slijedom navedenog, a budući da je člankom 68. stavak (4) tačka i) Zakona o javnim nabavama propisano da je ugovorno tijelo dužno odbaciti ponudu ukoliko ista nije potpuna i ne ispunjava zahtjeve iz tenderske dokumentacije, Povjerenstvo je konstatiralo da se ponuda ponuđača **RPM GLOB TRADE d.o.o.** odbacuje.

Slijedom gore navedenog, Povjerenstvo je pristupilo rangiranju prihvatljivih ponuda na temelju kriterija najniže cijene.

Povjerenstvo je dalje konstatiralo da je tačkom 2.1.6. tenderske dokumentacije propisano da se za predmetnu nabavu predviđa e-aukcija u skladu sa Pravilnikom o uvjetima i načinu korištenja e-aukcije („Službeni glasnik BiH“ broj: 66/16). Člankom 3. stavak (1) Pravilnika o uvjetima i načinu korištenja e-aukcije propisano je da prije zakazivanja e-aukcije ugovorno tijelo u sistem e-Nabave unosi sve prihvatljive ponude.

Povjerenstvo je u sistem e-Nabave unijelo ponude ponuđača **GUMA M d.o.o., Bišće Polje bb, 88000 Mostar i M.R.M. d.o.o., Put za Međugorje bb, 88320 Ljubuški**, kao prihvatljive ponude te dana 07.03.2018.godine zakazalo e-aukciju za dan 12.03.2018.godine (ponedjeljak) sa početkom u 14:00 sati. Nakon što je e-aukcija završena, a na temelju podataka iz Izvješća o tijeku i završetku e-aukcije, Povjerenstvo je pristupilo rangiranju prihvatljivih ponuda.

Člankom 9. stavak (2) Pravilnika o uvjetima i načinu korištenja e-aukcije propisano je da ugovorno tijelo po završetku e-aukcije, u skladu sa člankom 69. Zakona o javnim nabavama („Službeni glasnik BiH“ broj: 39/14), donosi odluku o prestanku postupka javne nabave i obavještava ponuditelje u skladu sa člankom 71. navedenog zakona.


Dalje je Povjerenstvo utvrdilo da je člankom 69. Zakona o javnim nabavama (Prestanak postupka javne nabave) propisano je da se postupak javne nabave može okončati: a) zaključenjem ugovora o javnoj nabavi ili okvirnog sporazuma ili b) poništenjem postupka javne nabave.

Slijedom navedenog, a na temelju rezultata provedene e-aukcije, Povjerenstvo je jednoglasno preporučilo ministru pravde BiH shodno Zapisniku o ocjeni ponude broj: 18.6-16-4-1690-1/18 od 23.02.2018.godine i Zapisniku o ocjeni ponuda broj: 18.6-16-4-1690-2/18 od 13.03.2018.godine (u prilogu), da se u predmetu nabave auto guma donese odluka o dodjeli ugovora ponuđaču GUMA M d.o.o., Bišće Polje bb, 88000 Mostar sa konačnom cijenom od 19.279,49 KM bez PDV-a.

Istovremeno, Povjerenstvo je naglasilo da je u skladu sa tačkom 3.1. tenderske dokumentacije ponuđač GUMA M d.o.o. Mostar dostavio Izjavu, popunjenu i ovjerenu kod mjerodavnog tijela za ovjeravanje, da se na njega ne odnose slučajevi definirani tačkom 3.1.1. tenderske dokumentacije (Aneks 3). S tim u vezi, kao odabrani ponuđač, obavezan je dostaviti dokumente u svrhu dokazivanja činjenica potvrđenih u spomenutoj Izjavi, a na način kako je to propisano tačkom 3.1.1.3 tenderske dokumentacije.

Uzimajući u obzir naprijed navedeno, odlučeno je kao u dispozitivu odluke.

Pouka o pravnom lijeku: svaki ponuđač koji ima legitiman interes za konkretan ugovor o javnoj nabavi i koji smatra da je Ministarstvo pravde Bosne i Hercegovine u tijeku konkretnog postupka dodjele ugovora, prekršilo jednu ili više odredbi Zakona o javnim nabavama i/ili podzakonskih akata, ima pravo uložiti žalbu ministru pravde Bosne i Hercegovine na postupak u pisanoj formi, u roku od 5 (pet) od dana kada je primio odluku, odnosno obavještenje o rezultatima postupka nabave.



Privitak:

- Zapisnici o ocjeni ponuda.

Dostaviti:

- Ponuđačima u postupku,

- a/a.